

Aningaasanik peqquserluutininik malunnarunnaarsaasarnermut inatsimmi § 1-ip allannngortinneqarnissaanut inatsit, aningaasalersuisarnermi suliffimmut inatsit aamma inatsit allat arlallit pillugit Kalaallit Nunaannut atuutilernissaasa pillugit peqqussummut siunnersuut (Aningaasaqarnikkut pinerluttarnermut akiuinermik pitsannngorsaneq aamma aningaasanik peqquserluutininik malunnarunnaarsaasarnermut malitassat 4-p aamma 5-ip atuutilersinneqarneri) (Aningaasaqarnermut Naligiissitaanermullu Naalakkersuisoq)

Saqqummiussissut

(Aningaasaqarnermut Naligiissitaanermullu Naalakkersuisoq)

Siullermeerinnineq

Naalakkersuisut sinnerlugit aningaasanik peqquserluutininik malunnarunnaarsaasarnermut inatsimmi § 1-ip allannngortinneqarnissaanut inatsit, aningaasalersuisarnermi suliffimmut inatsit aamma inatsit allat arlallit aningaasaqarnikkut pinerluttarnermut akiuinermik pitsannngorsaanermut aamma aningaasanik peqquserluutininik malunnarunnaarsaasarnermut malitassat 4-p aamma 5-ip atuutilersinneqarneri pillugit Kalaallit Nunaannut atuutilernissaasa pillugit peqqussummut aalajangiiffigisassatut siunnersuut saqqummiuppara.

2021-mi ukiakkut ataatsimiinnermi Inatsisartut aningaasanik peqquserluutininik malunnarunnaarsaasarnermut inatsimmik peqqussut suliaraat. Tamatuma kingorna Naalakkersuisut Danmarkip peqqussut eqqunngitsumik inatsisitigut tunngavilersimammagu, peqqussut inatsisitigut atuuffeqanngitsoq paasivaat. 2021-mi ukiakkut ataatsimiillutik (UKA 2021/154) Inatsisartut peqqussummut siunnersuut sularimmassuk inatsisitigut tunngavik atuukkunnaarpoq.

Tamatumani inatsisitigut kukkussut peqqutigalugu, Kalaallit Nunaannilu inatsisitigut atuutsinniarlugu, aningaasanik peqquserluutininik malunnarunnaarsaasarnermut inatsit peqqussutigineqaqqinnissaa pisariaqarpoq.

Tamatuma saniatigut aningaasanik peqquserluutininik malunnarunnaarsaasarnermut suliassaqarfimmi ineriartorneq malillugu pissutsit arlallit nutarterneqarnissaannut siunnersuusiortoqarpoq, taamaammallu aalajangersakkat nutaat suli sularineqanngitsut aamma ilanngunneqarput.

Ukiuni kingusinnerusuni aningaasanik peqquserluutininik malunnarunnaarsaasarnermik aamma aningaasaqarnikkut pinerluttarnermik allanik akiuinermut kiisalu aningaasanik nuussinermik ersarinnerulersitsinermit siunertalinnik inatsisinik arlalinnik allannnguisoqarpoq. Inuussutissarsiornermik ingerlatsinermit, aningaaserivinnut, kiisalu pisortanut piumasaaqatit qaffanneqarput, taamaammallu inatsit tamatumunnga malinnaasariaqarput.

Siunnersuutip pingaarnertut siunertaa tassaavoq, aningaasaqarnikkut pinerluttarnermut akiuinerit atuutilereertut pitsanngorsarniarlugit, malittarisassiornikkut suliniutit nutaat pilersinnerisigut aningaasanik peqquserluutinik malunnarunnaarsaasarnermik aamma pinerliiniarnerni aningaasalersuisarnermik akiuiniarnerup pitsanngorsarneqarnissaa. Inatsisissatut siunnersuutip, pinerlunnermit imaluunniit allatigut unioqqutitsinermi aningaasat pissarsiarineqartut Kalaallit Nunaanni malunnarunnaarsarneqartarneri pinaveersaartinniarpai.

Tamanna ilaatigut Aningaaserivinnik Nakkutilliisoqarfiup pingaarnermik aningaasaqarnikkut pinerluttoqarnermik pasitsaattoqartillugu nakkutiginninnera pitsanngorsarneratigut anguniarneqarpoq. Suliffeqarfiit aamma inuit aningaasanik peqquserluutinik malunnarunnaarsaasarnermut inatsit ataaniippata, pisortanut nalunaartarnissaat aamma sukaterneqassaaq. Naalakkersuisut inatsisit nutaat pillugit innuttaasunut suliffeqarfinnullu immikkut ilisimatitsissutigineqartarnissaat qulakkeerniarpaat.

Aningaasanik peqquserluutinik malunnarunnaarsaasarneq suliassaqaqarfiuvoq ineriartortuaannartoq, aningaasanillu peqquserluutinik malunnarunnaarsaasarnermik peqqussummut siunnersuutit malittarisassanik nutarterinerupput, taamaasiornikkummi suliassaqaqarfiup nunarsuarmi ineriartorneranut naapertuunnerussammata.

Taamatut oqaaseqarlunga Naalakkersuisut sinnerlugit siunnersuut Inatsisartunut suliassanngortippara.